

VC
2038



Snderricht wie die
Pfarherrn das volck in diesen ge-
schwinden vnd gefehrlichen zeiten
zur buss vnd gebett vermanen sol-
len / auff Fürstlichen befelh / durch
den hochwürdigen durchlauchtigen hoch
gebornen Fürsten vnd herrn / herrn Se-
orgen Fürsten zu Anhalt. Coadiu-
corn in Seistlichen sachen zu Wer-
senburgk ic. Thumpropsten zu
Magdenburgk ic. außges-
schrieben. Anno

1 5 4 6.

Die hier abgetragene
 Seite ist in Folge des
 unglücklichen Brandes
 des Bibliothekars
 Herrn Dr. Schilling
 am 17. März 1846
 zerstört worden.
 Die hier abgetragene
 Seite ist in Folge des
 unglücklichen Brandes
 des Bibliothekars
 Herrn Dr. Schilling
 am 17. März 1846
 zerstört worden.



4 2 1



Von gotts genadē George Fürst
zu Anhalt zc. Coadiutor in geist-
lichen sachen zu Wersenburgk
Thumprobst zu Mag-
denburgk.

Gnade / Barmhertzig-
keit / vnd Friede / von Gott
dem vatter vnd vnserm her-
ren Jesu Christo / vnd vn-
sern gunstigen grus fuuor /
Wirdiger lieber Andechtiger / der hoch-
geborne Fürst / herr Moritz Hertzog zu
Sachsen / Rantgraff in Döringen vnd
Marggraff zu Weissen vnser freuntlich
er herr vnd Gm hat vns schriftlich zu
erkennen geben / dieweil die leuffte also
geschwinde vorfallen / das bei vnsern zei-
ten nie höher von nöthen gewesen / Gott
vmb seine gnade zubitten / vnd S. L. jr
darauß gefallen liessen / das wir allen
Superattendenten / vns zugethan / vnd
sie fürder allen pfarhern vnd predigern
beuehleten / das sy in allen predigtē Got
A ij vleissig

vleißig bittē / weil die Kay. May. wider
etzliche jre vnderthane bewegt sein solle /
das Got der almechtige jrer May. gemü
te wolle lindern / auch den vnderthanen
ein solch gemüth verleihen / das Christ
lich Blutuergiessen verhütet / vnd sye
legen einander zu seinem Lob / friedlich
leben / dadurch sein göttlicher Name
gepreiset / vnd dem Erbfeind des Creu
tzes vnd nahmens Christi nicht rauh
gelassen / sondern einmütiger widerstät
geleistet werde. Vnd damit man dem
gemeinen gebett / vleißig vnd mit ernst
obliegen müge / das darzu zwene sonder
liche tage in der woche als Dinstag vñ
Freitag verordent / An welchem auch
die leute sich mit messigkeit an essen vñ
trincken vñnd Christlicher abstinenz o
der fasten / damit sie zum gebett destege
schickter erzeigen mochten.

Auff solch Christlich begeren / hoch
gedachtes loblichen Landesfürsten / wol
len wir einen jdern in sonderheit / krafft
vnser beuolenen amptes / mit ernst er
manet vnd aufferlegt haben / solchen al
so in

so in diesen vorstehenden grossen nöten/
treulich nachzugehē / Auch die erwente
zwene tage dinstag vnd freitag in Stet-
ten oder dorffen dem volcke wie berurt/
benennen.

Und damit jr eigentlich wissen mü-
get / was dem Christlichem volcke solle
fürzuhalten sein / haben wir euch dassel-
be hierbei stuckweise / vermeldē wollen /
das jr solchs dem Christlichen volcke vff
der Cantzel woltet furlesen / vnd aussert
dem / vngewisse zeitung / vnd andere re-
den so zu verbitterung dienen auff den
predigt stuel nicht brengen / sondern viel
mehr zur besserunge anreizung des ge-
bets liebe vnnnd einigkeit / richten / vnd so
jr dem selben nach ewers amptes erfor-
derunge / also treulich vnd vleissig nach
gehen werdet / Thut jrs dem almechti-
gen gotte zu sunderlicher Ehre vnd dem
Landesfürsten vnnnd vnns zu gefallen.

Seben Wersenburgk dinstags nach vi-
sitationis Marie Anno

M. D. XLVI.

M iij

Was

Was die Pfarherr dem Volcke in
diesen geschwinden Leufften
fürtragen sollen.

Lieben freunde nachdem jr itzo
höret / das grosse vnd fehrliche krie-
ges rüstunge verhanden vnd zubeforgen
das solche ferligkeit / gantzer deutscher
Nation / so das got nicht wurde gnedig-
lich abwenden / zu verderb gereichen mö-
chte / von wegen vnser grossen sünde / vñ
zuvorn der greulichen verachtung göt-
liches worttes gebets / dancksagung vnd
vnser vnbusfertigen lebens. So wil
vns allen als die wir dadurch in die hö-
hste ferligkeit leibes vnd der seelen / ge-
sätzt mochten werden hoch von nöten
sein / vns zu bessern / vnd damit ein ein-
feltiger mensch eine anleitung haben
mochte / wie er sich zur besserunge schick-
en solle / So ist vns auff beuelh / vnser
loblichen Landesfürsten / vnserer geistli-
chen Oberkeit folgende Christliche wei-
se vnd forme furgestalt / Nemlich also.

Das

Das in Stedten des morgens vnd in
Dörffern zu Wittage / da das volck am
bequemesten bey einander sein mage/
auff die tzwene tage / Dinstag vnd
Freitag / nach gethanem gebürlichen
leuten das volck zusammen komen / Vnd
dann der Pfarherr / neben Christlichen
gesengen darzu dienlich / eine verma-
nung thun / vñ die Petaney halte / Dar-
zu aus jederm hause tzo erwachsene
personen / wo anderst so viel personen
im selbigen hause seint / Wo nicht / doch
zum wenigsten eine / darunter entwe-
der der Hauswirt oder die Hauswirtin
in der Kirchen zur Predigt / Petaney
vnd Gebet / neben den Kindern vnd der
Jugend / so sie hierzu mitbringen / er-
scheinen sollen / Daselbst das Göttliche
wort hören / vñnd sampt der Christli-
chen gemeine für die kegenwertige not
embsigk vnd vleissig bitten / Vnd nach
gethanem Sebett sol der Cüster zum be-
schluss etwan einen Heistlichen Psalm /
oder das Vater vnser / oder Erhalt vns
Herr bey deinem wort / vñnd / Verleih

113

v. 3



uns frieden gnediglich / singen / vnd also
das Gebet auff gedachte zwene tage /
allewege volbringen.

Die andern tage aber / sol man all-
wege zu Wittage eine Blocke leuttē (bis
es wider abgeschafft) wie ettwan inn
Türcken zügen auch geschē / das volck
damit zum Gebet erinnern / Vnd als
dan sol man die Kinder vnd das junge
Volck / vnd wer sunst müßig in die Kir-
chen komen lassen / ettwan ein Seistlich
Lied oder Psalm zusingen / ein Vater
vnsrer zu beten / Vnd darnach mit dem
liede / Verleihe vns frieden gnediglich /
beschlißen.

Dergleichen auch alle Sontage die
Petania / nach der Epistel / vnder dem
Ampt / nichts wenigens halten / vnd in
allen Predigten / für diese vorstehende
not ernstlich bitten.

Zuforderst / das der Allmechtige
Gott / sein Heiliges Göttliches wort /
bey vns wolle gnediglichen erhalten /
vnd vns dasselbe keines wegess lasse ent-
zogen werden.

Vnd

Vnd/nach dem der Allmechtige/ al
ler Könige vnd Fürsten hertzen/ in sei
nen henden hat/ vnd die nach seinem
Bötlichem willen zubeugen weis/wol
le Key. May. vnnnd anderer Chür vnnnd
Fürsten/ vnd vnterthanen des Reichs
gemüte/ auch gnediglich zur Christli
chen einigkeit vnd friede lencken/ Vnd
des Sathans/ auch böser blutigiriger leit
te anregen vnnnd anschlege/ nicht fur
gengig sein lassen/ Sondern zu nichte
machen/ vnd Christlich blutuergiessen
vnd verderb Deütscher Nation/ so hier
aus eruolgen mochte gnediglichen ver
hueten/ Hernachmals auch/ gemeiner
vnd sonderlicher notturfft/ in solchem
gebete die leute zuerynnern.

So dan auch one rechtschaffene
erkenntnis der sunde vnd ware reue vnd
busse ein hertzlichs ernstlich gebett nicht
geschehen kan/ vñ am tage/ das vmb vn
ser grossen vnnnd manichfeldigen sunde
willen/ der zorn Gottes für augen vnd
schwere straffe/ in sonderheit vber teut
sche Nation zubefahren/ darumb das al
B le las

le laster als Gottes lesterung / zerberey /
vngheorsam / Wurd / Neid / vnd Hass /
Ehebruch vnnnd allerlei vnzucht / vnor-
dentlich fressen vnnnd sauffen / wucher
vnd verfortheilung des nechsten / vnd vn-
derdruckung der armen ic. greulich v-
berhant nehmen / zuforderst aber die
grosse vnforchtsame sicherheit / vnd vn-
danckbarkeit / für die vnaussprechliche
gnade Gottes / das er den reichen schatz
seines heiligen Euangely in deutsche Na-
tion widerumb verlihen / vnnnd doch lei-
der / vō vielen wissentlich verfolget auch
verachtet / vnnnd nicht one geringe erge-
runge vieler guten vnnnd schwachen ge-
wissen / missgebraucht wirt / Vnd zube-
sorgen das der Allmechtig Gott / ober die
zeitlichen schweren plagen der Teurrun-
gen / Pestilentzen / innerliche kriege / da-
raus verderbung Land vnd Leutt / vne-
ehre vnd schmach weiber vnd kinder / al-
ler zucht vnd erbarkeit verstorung zu er-
uolgen pflegt / vnd des Türcken graus-
same Tyranny / auch letztlich die hoch-
ste straff ober vnns verhangen möchte /
das

Das wir widerumb solcher gnaden/ vnd
seines heilsamen wortes beraubet wer-
den möchten / vber welchs vns nicht hō
here beschwerungen begegnenn konte/
Sollen die Pfarherrn derwegen auch
in jren predigten vnnnd sonderlichen in
den bestimbten tagen das volck solchs er
innern/ auch den zorn Gottes durch Ex-
empel/ durch schrifft/ ernstlich einbildē/
Daneben auch die grunclose barmher-
zigkeit Gottes / vber alle die jenigen so
mit gleubigem hertzen/ gnade durch sei-
nen lieben Sohn / vnsern herrn Jesum
Christum suchen / so er vnns verdinet/
fürtragen / damit sie inn erkentnis der
grossen noth/ so vil deste hitziger vnd ge-
troster betten mögen/ Auch sie vnderri-
chten/ das in vnbusfertigem vnd vnbes-
serlichem leben / das gebett von hertzen
nicht gehn / noch Gott angenehm sein
kan / vnnnd darumb vleissig vermanen/
von solchem leben abzustehn/ vnd Gott
zubitten / das er zu solcher besserung /
seine gnade verleihen wolte.

Als auch durch vberflussig essen vnd

B ij trins

trinken vnzehliche laster volgen / auch
offtmals / das Göttliche wort verseu-
met wirt / vnd es zum gebett vnd allem
guten vngeschickt macht / Derwegen
wir in der schriefft vielfeltiglich zur mes-
sigkeit vnd nüchterheit / welchs die rech-
te Christliche vnd von Gott gebotene fa-
sten ist / ermanet werden / Auch so vor-
stehende noch furgesfallen / neben dem
gebett zu solchem fasten das volck ange-
halten worden ist / Als vnter andern
aus den Propheten Jona vnd Joele er-
scheinet / Nicht der meinung als wurde
durch solch werck die sund gebussset / vnd
Gotes zorn versünet / Sondern das die
leute so viel mehr zum gebett lustiger /
vnd geschigkter gemacht / Auch durch
die leibliche Casteiung das einfeltige vñ
junge volck / souil meer der obligenden
noch erinnert / das betrubnis leid vnd
forcht vber die sunde vnd Göttlichem
zorn vnd straffe angezeigt / vnd hitziger
zubitten gereitzt werden.

Demnach / so wollet je das volck treu-
lich erinnern / solchen / vnchristlichen
vberflus

uberflus in Essen vnd Trincken zu mei-
den / vnd das derhalben die Göttlichen
epmter / nicht verhindert oder verset-
zet zu Christlichem fasten / messigkeit
vnd nüchternheit anhalten / vnd sonder-
lichen das sie die feyer vnd predigtage /
Auch die berurtenn zweene verordente
bettstage zuuor solche messigkeit bewei-
sen / Auch ein ider hausvatter sein ge-
sinde mit zimbllicher abbrechung uber-
flussiger speise vnd tranck nach der per-
son gelegenheit desselben tages enzie-
hen / damit solch Christlich wergk des ge-
bets mehr gefördert / vnd was sie des ta-
ges von uberflüssigem zeren abbrechen /
dasselben nach vermögen den Armen
mittheilen / vnd sonst in reichung der Al-
mosen die liebe zum nechsten beweisen /
vnd das nach der Regel Thobie / wer do
wenig hat / doch auch von dem wenigen
wenig gebe.

Das sie sich auch spilens vnnnd aller
leichtfertigkeit / vnd sonderlich auff die
Feyr vnnnd bettage / hochzeitliche freu-
de vnnnd denzge / in diesen betrübten leu-

B iij ften/

ften / enthalten.

Neben dem auch die leute vermah-
nen das vnchristliche fluchen vnd gotts
lestern abzustellen / Auch sich spitziger /
vnnützer wortte wider die obrigkeitten /
dadurch vnwille vnnnd vneinigkeite er-
regt werden möchten enthalten.

Weil auch zubefahren / das ein mahl
der almechtige zur straffe der vnbusfer-
tigen / vnnnd zu prüfung der frommen /
ein Creutz vnnnd verfolgung vber vns
verhängen möchte / sollen die leuth auch
zur Christlichen beständigkeit bey sei-
nem Göttlichen wortte feste zubleiben /
mit trostlichen vermanungen / aus der
heiligen schrift / vñ Exempeln der heili-
gen mercklicher gesterckt werden / damitt
sie lieber leib vnd guth vnnnd alles zeitli-
ches verlassen vnd daran wagen / dann
das sie den theuren schatz Göttlichs wor-
tes daran vnser aller ewiges heil vnd sel-
ligkeit gelegen / verlieren sollen / sondern
den vnerruckt erhalten / vnnnd auff die
nachkommen bringen.

Unser lieber herr Christus der ware
friede

friedefürst wolle dis vngestumme we-
sen / vmb seiner lieben kyrchen willen/
so er mit seinem blutt erlöset vnd er-
kaufft / gnediglich stillen. Vnd die ar-
me teutsche Nation darinnen er ange-
fangen durch sein heilges wortt zu woh-
nen nicht verlassen / Sondern bey vns
bleiben / vnd zu ferner ausbreitung
seins Söttlichen wortts friede verleihen.
Vnd das wir ein gerüglichs vnd stilles
leben füren mögen in aller Gottefelig-
keit vnd erbarkeit / vnd so er vns je wie
wir wol verdinet veterlich züchtigen /
wölle / vnns gnade verleihen / solchs mit
beständigem glauben zu extragen /
vnd vns durch niemands von
jme vnd seinem heilsamen
wort scheiden oder reis-
sen lassen.

B iij Es

Es mögen auch die
Pfarherrn dem Christlichen
volck dis nachuolgende gebett
alweg nach der predigt
fürsprechen.

Almechtiger / Ewiger /
Barmhertziger / güti-
ger Gott / der du mit
deinem liebenn Sohn
Jesu Christo vnserm herrn vnd
erlöser sambt dem heiligen geiste / in
dreien vnterschiedlichen personen
ein einiger warhafftiger gott bist /
der du vns in disen letzten fehrlich-
en zeiten / der wellt dein heiliges göt-
lichs wort aus sonder vetterlicher
lieb widerumb hast gnediglich leu-
chten lassen / aber wir vns desselben
leider /

leider/wenig annehmen noch besse-
ren/damit wir in deinen erschrekli-
chen zorn vnd schwere straff greu-
lich gefallen seind / derhalben/ du
auch diese gegenwertige grosse fehr-
lichkeiten vber vns vnd Teutsche
nation one zweifel hast komen las-
sen / Sieweil du aber aus grunclo-
ser güte vnd barmhertzigkeit/gna-
de vnd vergebung der sünden hast
zugesagt allen so dich von hertzen
fürchten/an dich gleuben vnd im-
nahmen Christi ernstlich anruf-
fen/ So bitten wir dich Erstlich/
das du vns wollest gnediglich ver-
geben all unsere sünde vnd misse-
that / damit wir jemals wider dein
göttlich Waiestet vnd vnsern nech-
sten gesündiget haben/ vnd zur bes-
serung

serung vnser̄s lebens deinen heyligen
geist gnediglich mittheilen/
Auch für allen Notthen vnd ketze-
reien behütten/vnnd dein heiliges
wort bey vns rein vñ rechtschaffen
erhalten / vnd dauon durch keine
widerwertigkeit abfallen lassen.

Darzu Röm. Kay. May. aller
Churfürsten vnd Fürsten hertzen
vnd gemüthe zur erkennnis deiner
Göttlichen warheit vnd Christli-
chen frieds vnd einigkeit/durch dei-
nen heiligē geist gnediglich leitten/
auff das blucuergiessen / vnnd ver-
derb Deütscher nation verhütet/
vnd wir in aller Gottseligkeit vnd
erbarkeit auff diser welt leben / vnd
das ende vnser̄s glaubens nem-
lich vnser̄ fehlen heil vnd seligkeit/
dauon

dauon bringen möchten / Durch
Jesum Christum vnsernn herrn/
der mit dir vnd dem heylgen
geist ein Gott lebet vnd
regiert in ewigkeit/
Amen.

Gedruckt zu
Leipzig
Durch Valentin Bapst.



M. D. XLVI.

QR K 2038

Handwritten text in Gothic script, likely bleed-through from the reverse side of the page. The text is mostly illegible due to fading and bleed-through.

Handwritten text in Gothic script, likely bleed-through from the reverse side of the page. The text is mostly illegible due to fading and bleed-through.

IV. IX . 2 . 2

me



von Ve 2038, Qu

ULB Halle

3

004 796 586



h. 20, 39 OK

Sinde
Pfarherr
schwinden
zur busz v
len/auff
den hochwi
gebornen
orgen Kü
corn in
senburg
Wag

Vc
2038

